

兼濟堂文集



978946

兼濟堂文集目次

卷之十

用人宜別賢否疏壅滯疏

請出

頒御製諸書疏

急興廟筭以紓民力疏

督臣汎地宜定疏

郡守宜於久任疏

除弊政以清銓選疏

兼濟堂文集

卷之一

一

請立限田授荒土以重農功疏

修憲綱以明職掌疏

請實圖修省以弭天變疏

敬陳軍屯大政疏

備陳進取應行事宜疏

請法 天以行仁政疏

藩臬之職掌宜明疏

清兵部吏胥之弊以郵驛遞疏

酌裁衛所丁田以歸州縣疏





遵 諭敬陳條議疏

條議朝 覲考察之例疏

請 發賑以救楚災疏

兼濟堂文集

卷之十一

二



請 發賑以救楚災疏

請 發賑以救楚災疏

請 發賑以救楚災疏

兼濟堂文集卷之十

栢鄉魏裔介貞菴著

男勤同較

嘉孚  
荔彤

用人宜別賢否疏壅滯疏

臣聞古帝之所以治天下者無他曰在知人在安民  
未有不知人而能安民者也亦未有賢不肖雜然並  
進而可謂之知人者也故欲進賢退不肖則莫若明  
賞罰明賞罰則莫如憑舉効使賢者有以見其才而  
庸常者無由進於高位然後嚴祛冒濫疏通壅滯則  
兼濟堂文集

卷之十

一

仕途有澄清之象而人才無否塞之嗟矣臣謹條議  
於左

一近來藩臬二司或用無薦者推陞昨經御史石維  
崑條陳部覆以有薦而俸太淺無薦而俸已深應當  
論俸序陞臣以爲俸雖深而無薦則其人之賢否尚  
不可知如近日黃紀白士麟有薦尚被叅劾况無薦  
者乎似宜論薦不論俸如按察無薦則陞叅政之有  
薦者叅政無薦則陞副使知府之有薦者其餘一例  
可推伏候



上裁

一從來仕途只有進士舉監吏員原無生員做官之例近者八旗教習盡用生員以此爲捷徑出身之地考授知州知縣等官夫

國學原有監生月食

卷之十一

二

朝廷廩糧其學問勝於生員甚遠何不用以教習而乃另設生員教習既費公家之糈又開僥倖之竇吏治之雜莫此爲甚臣謂生員教習宜一切罷去尚選監生之學術優長者教習滿日酌量優考省費清冗兼濟堂文集

得師一舉而三善備焉伏候

上裁

一近來教官壅滯五六年前尚未選及終以槁項黃馘老死牖下臣以爲宜令各省提學每年終將教職舉劾一次庸劣衰老者嚴加澄汰此明朝會行之例非臆說也前部覆科臣張璿本雖云督撫按澄汰而督撫按事繁非其專責自宜專責之直省學院與提學道伏候

上裁



一貢監壅滯數年不選吏部前覆科臣張璿本云首領佐貳有貢生吏員兼除之缺吏員常不如貢生之多臣以爲自今以後在京內院各部院卿寺六科等衙門及在外督撫按藩臬衙門中典吏有才者許考經歷佐貳官其餘府州縣衙門吏員考職者只與典史巡檢大使等官首領佐貳多有貢生則貢生之闕選有日而不致壅滯矣伏候

上裁

一通判六品府官也知縣七品屬官也明朝風俗敝

兼濟堂文集

卷之十

三

壤以知縣係正官有權通判無權迨我

朝相因未改

廷試時通判缺反居知縣之次又連年以來積通判數百人未選河清難俟向隅可悲臣以爲以後貢監廷試只以知縣佐貳教官分行考授知州通判係五品六品不作初考之缺留爲舉貢知縣陞轉之地其前此考中未選通判宜照吏部新經題請奉

旨事例不拘遠年近日卯先者先選卯後者後選速行

疏通伏候



上裁

一鴻臚寺職列清卿萬曆以前盡用甲科作掌印官如大儒王守仁皆曾爲之其後正途薄而不爲乃係陋習應用甲科以復舊制伏候

上裁

一各衙經歷最爲無用昨順天巡撫董天機題爲應裁臣思經歷之應裁豈止順天地方宜勅該部將各省衙經歷一槩裁汰省費清冗其益大矣伏候

兼濟堂文集

卷之十

四

上裁

一州縣佐貳雜職缺員甚多雖係末員然關係地方實爲緊要若部選不到則委署勢必濫及臣以爲除舊規佐貳雜職缺員督撫按季報部外宜令直省按臣及按察司官按季報臣衙門以憑查催銓補伏候

上裁

以上諸款其於進賢退不肖疏壅滯清仕途不知有當與否伏惟我

皇上睿覽明照大破從前拘泥之習

勅部從實舉行俾仕途人心鼓舞則治平之一助也

頒御製諸書疏

臣聞有虞氏未施信於民而民信之夏后未施敬於民而民敬之何者有忠敬誠懇以蒞之也故禮教治於未犯之先刑罰治於已犯之後刑猶藥石也禮猶酒藥也也藥石醫一受之藥則一日不至於死也

兼濟堂文集

卷之十

五

及按察司官按季報臣衙門以憑查催給補伏候

如土請於其於進賢退不肖疏壅滯清仕途不知有

與否以惟我

悚悻從實舉行喻士敘人心越我傾台平之一助也



頒御製諸書疏

臣聞有虞氏未施信於民而民信之夏后未施敬於民而民敬之何者有忠敬誠慤以蒞之也故禮教治於未犯之先刑罰治於已犯之後刑罰猶藥石也禮教猶梁肉也藥石偶一投之梁肉則一日不可缺此善養生者也治天下何以異是三代以後治術之近古者蓋亦鮮矣若漢文帝唐太宗庶幾帝王之道然考其設施漢文帝脩務以德化民將相舊臣論議務兼濟堂文集

卷之十

六

在寬厚恥言人之過失化行天下興於禮義唐太宗貞觀之初人皆異論必不可行帝道王道惟魏徵勸行仁義不數載華夏安寧夜戶不閉後太宗謂羣臣曰此徵勸我行仁義既効矣堯舜湯武之後若此二君者誠知治道之先務得體元之大法也况我

皇上平日事事欲以堯舜爲法不屑屑於二君者自受命御極以來十三年於茲矣薄海內外莫不戴之如天地而親之若父母然而風雨未時盜賊未息刑獄未措禮義未興又且災異迭見



皇上晝夜皇皇以三過自責思所以致太平而欲求其  
効臣以爲用力少而成功多者尤莫先於以教化爲  
急深恩厚澤以結天下之心也蓋固結人心者所以  
祈

天永命而祈

天永命者所以報答

祖宗今刑獄日繁而禮教或缺士乏廉退民過囂凌非諄  
諄訓迪又烏能風移而俗易乎臣昨面蒙

皇上賜讀戒殺彙鈔欲印施三萬本以化導俗氓夫豈

兼濟堂文集

卷之十

七

不知律有明禁而復假書以爲勸戒者誠以法之及  
人者淺教之及人者深也然則天下臣民

皇上欲教養而生全之又不知如何矣臣聞

皇上御製有人臣儆心錄資政要覽順治大訓勸善要  
言範行恒言孝經衍義等書所以遏惡揚善闡明

聖道者甚至伏望

仁恩廣暨遍賜羣臣其順治大訓勸善要言等書仍

懇

頒發直省學宮每學一部俾誦讀講解使天下之人



孜孜然其砥礪於自新之路而潛消默轉其不肖之心將見風淳俗美刑罰止息遠追堯舜近邁漢唐好生之德上同覆載

鴻號豐功書之史冊垂麻萬世無窮也雖然臣更有請焉孝經一書臣往歲曾具疏上聞欲於科舉頭場出題禮部覆疏於後場出題然未見實實遵行再請勅照前議庶孝經大行於世而士子之學術有本楊繼盛之忠業蒙

皇上殊褒刻表忠錄以賜言官若

兼濟堂文集

卷之十

八

御製序文似宜鐫碑祠前寵慰幽魂且以風動後來節義之士

王之歸上同覆載

以并長風對俗美泯隔且息事也清氣以盡其出  
不致然其何歸公自諒之創而留欲想轉其不肖之



急日廟筭以紓民力疏  
今天下民生何以不得安哉雲貴之餘孽尚爾鴟張  
海上之遊魂猶然鼓浪征調繁興往來不已旗下繕  
修器械買辦馬匹民間預備糧草供應飲食銷筭正  
項所費無窮語云行師十萬日費千金今日則興師  
一萬日費不下千金也在督撫羽書告急

朝廷不得不發熊羆之

禁旅以資廓清然最可恨者大兵至而賊遯大兵旋  
而賊復來是以逸待勞賊之狡計得行而我反困于

兼濟堂文集

卷之十

九

道路之奔走也豈可爲得算哉臣聞黔寇所藉兵力  
洞蠻爲多而洞蠻之所以不歸者以  
朝廷欲追其前朝勅命夫招攜懷遠因時制變但期  
歸順給以新

命何必追其前朝之勅待向往之後徐圖收繳亦未

爲晚宜

勅下經畧明諭招徠勿失信于遠方者也至於進取  
之機則經畧諸臣自有方畧臣無庸贅言矣惟是海  
上之事日日造船而未見揚帆之用年年發兵而未



奏獻馘之猷則臣竊疑之蓋鄭氏自明天啓之年作  
亂海上三十年於茲矣出沒波濤其長技也我雖大  
兵雲集彼豈敢出而一角若揚帆于大海之中以擣  
其巢穴我之水師既少而又不練亦必不能然而彼  
中督撫皆未見鑿鑿說破者臣竊恐其以造船爲借  
口而究竟未有實用也以臣之愚見請

皇上擇知兵大臣一員前往浙江福建沿海一帶逐處  
察考某處緩不必備某處急宜備某處兵多無用某  
處兵少宜添船可造則造船若必不能下海則省其

兼濟堂文集

卷之十

十

銀錢以募兵沿海數千里布置嚴密使賊片板不得  
到岸蓋沿海雖長臣聞入犯之港皆有緊要築堡扼  
險練習火攻設伏勦擊其勢亦易督撫鎮道將俱移  
近海堵禦勿得遠居無事之地其滿洲大兵酌量緩  
急留鎮要害不必頻頻多發使賊聞風而去徒勞無  
益也誠行此法不過一二年賊不能上岸搶掠必坐  
而受困然後招其攜貳散其黨與量移內地勿致復  
蔓海寇可以漸平海寇平而我兵威益得奮力西南  
民生有安枕之日矣



督臣汎地宐定疏

臣竊惟

朝廷安撫地方澄清吏治有撫按鎮道足矣所以設總督者耑爲勦寇靖衆而設也連歲閩浙多事沿海之民多被蹂躪荆楚之間

禁旅久戍甲冑幾於生蟻蝨矣崇明屢受圍困糧鹽船隻被燒未聞早奏膚功以策飲至之勲非諸督臣之罪而誰罪乎近佟代撤回李率太代之矣馬鳴佩告休郎廷佐代之矣二臣職隆樞密任同分陝必期兼濟堂文集

卷之十

十一

以滅寇爲心使海不揚波斷不可聽其滋蔓東堵西禦遂謂足了總督之事也

皇上鼓勵方新二臣自有方略以報

朝廷東南之民且翹足引領以待之矣惟是臣前財賦困於用兵一疏內言浙閩督臣移駐事宜已經部覆行察尚有可併陳者臣聞浙閩督臣建節於衢福而江南督臣駐劄於江寧夫無事之時居省下內地可也今沿海用兵督勦是其專職尚可黃金橫帶而逍遙於閑適之地乎臣以爲浙閩督臣在閩宐居漳



州在浙宐居台州江南督臣無事則居江寧有事則居鎮江庶征勦爲便鎮江旣有督兵而

禁旅可省歸旗下休養此江浙二督之汎地也五省經畧湖廣亦在其內

朝廷以地方未靖仍令祖澤遠節制然荆州西連巴蜀遡峽而上則爲夔州成都乃防賊緊要門戶古來取蜀者多由此進今督臣與撫臣各擁兵數千同居武昌一城之中乃以荆州付

禁旅守之則督臣居無事之地矣臣以爲楚撫宐居

兼濟堂文集

卷之十

十三

武昌而楚督宐移鎮荆州圖戰守進取之計且可省禁兵十之二三歸旗下休養此楚督之汎地也臣爲此議非獨以財賦不足欲省調發節饋餉正以明督臣之職掌使從此脫推諉之積習奮勵有爲以措南方於磐石之安然後太平可得而言也



臣觀三代以後惟漢之吏治近古而漢之吏治所以  
近古者以其能重刺史守相久任而考其成功也昔  
宣帝嘗曰太守吏民之本數變易則下不安民知其  
將久不可欺罔乃服從其教化故二千石有治理効  
輒以璽書勉勵增秩賜金或爵至關內侯公卿缺則  
選用之此漢世良吏所以盛也明初猶倣此意迨其  
後兵備繁多陞遷數易而太守之權益輕體益損治  
効亦遂不可觀矣今我

皇上遵古之道愛養元元行保舉之法重知府之選吏  
治自當改觀然久任之法不行卽有賢守輕於變更  
百姓猶未蒙治安之福也臣以爲自今以後知府俸  
深有薦應陞副使者卽加副使職銜服色仍管府事  
督撫按監司等官卽以副使禮遇之若俸深有薦應  
陞之時與各副使一體論俸加叅政職銜服色其應  
陞時亦與叅政論俸自此而按察布政皆可以漸而  
加若遇京堂有缺加銜者得與同銜司道一體推陞  
如是而知府之職任得久庶盡心民事吏畏其法民



安其業遠追漢代之盛不難也雖然知府爲表帥之  
寄捕盜分之同知刑獄分之司李知府皆得以兼之  
而有司賢否尤爲緊要自今督撫按薦劾開列賢否  
自下而上尤必先責之知府庶事權一而職掌明於  
久任之良法愈有神益也

兼濟堂文集

卷之十

十四

八封之員起念存職益也

目下而王次必我責之映紙類事類一

而育所贊否次益幾要自今涉然若黨德開既贊否

皆備盡矣之同映紙類卷之四李映紙皆贊以兼之

文其業事既贊外之鑑不獲也繼然映紙爲表帥之

除弊政以清銓選疏

臣聞先王之班爵祿也因材以定官因官以定俸故公卿大夫各有采地以養之俾其安富尊榮以別於卑賤而下至庶人之在官者亦有應得之祿足以代耕而不使之困窮迫促以習於奸弊之事此安上而全下所以爲王道也自漢鼂錯有納粟贖罪之議吏治因以雜而多端後世沿其陋習賣官鬻爵遂有援納事例至於么麼小吏亦復責其納銀弊也久矣我大清定鼎以來革除弊政不遺餘力然猶有相沿陋

秉濟堂文集

卷之十

五

習如援納事例是也昨見戶部本內督撫衙門書辦每名納銀一百五十兩督學并鹽漕茶倉等各差書辦每名照該衙門承差例各納銀一百二十兩其餘布按道府州縣書辦各納銀不等臣甚疑之夫此書辦之應役者果皆殷實富民乎彼殷實富民自足仰事俯育何樂應役若其貧窮則前項所納之銀出於何處方今

國法森嚴犯之者輕則流徙遠左重者縲首市曹而責以納銀事例彼有急于圖官之心則多方爲詐索



之計以僥倖於不敗是教之使爲奸弊也况佐貳以下皆係親民之官今日旣以財進身後豈能以廉律已苟非取于公必至剝于民欲百姓之治安尚可得乎自古天下之治也必曰官吏守法其不治也必曰官貪吏污今縱不能加小吏之工食以杜其奸弊之路奈何著爲令甲納銀得官而使銓政由此而壞乎在部臣之議原因財用起見行往日之舊例而臣以爲議開議節自有大道後世苟且之政所得無幾其害甚大斷乎其不可行也昨臣衙門同吏部覆科臣

兼濟堂文集

卷之十

六

嚴沆疏云時勢當更易者卽有成案久遵亦必詳列不應沿習之故及卽當改絃之由請文世晉無幾其加裁定如此相沿弊政所宜急爲革除以定一代之善制者也



請立限田授荒土以重農功疏

臣聞漢臣王吉有言欲治之主不世出圖治之時不常有公卿大夫幸得遭遇其時未有舉明王于三代之盛者也豈三代不可復乎夫三代治天下以養民爲根本之圖故其丁寧告語惟重農功其所以養之者至纖至悉而有法也後之君臣苟師其意而不泥其迹何治之不久若今

皇

上秉聰明睿智之姿心與天應動爲民謀念天下甫離明季兵戈荒燹之虐瘡痍未息多方拯救日無寧

兼濟堂文集

卷之十

七

晷進循良除貪墨蠲賦稅問疾苦協氣旣應風雨以時民無阡危之憂有室家之樂矣然而財用匱乏未有長遠之計補偏救敝終是苟且之術若欲立一代養民之制使其各有本業務于田里樹畜而無兼并之害則莫如立限田之制自秦并天下壞井田其後富者田連阡陌或數百頃或至千頃貧者乃無立錫之地富者日富貧者日貧貧者無田代耕富者之田終身胼胝甘爲廝役田減者役反重田增者役反寡農民重困天下之亂每由此生夫井田決不可復是



以漢之大儒董仲舒斟酌古今之宜說武帝限民名田以爲更化善治之本何武師丹並申其說其後西晉限王公之田北魏起均田之制時行時止然古今之英儒碩士留心治道者未嘗不憤惋歎息以爲斯民不幸而不得蒙至治之澤也今

皇上一振舉耳臣以爲漢人名田宜酌定其制凡公卿

兼濟堂文集

卷之十

六

大夫士庶人及庶人之在官者以爵位爲等殺地有限數不得踰額如庶人農工商賈不得過五頃舉貢生員不得過十頃九品至七品不得過三十頃六品至四品不得過四十頃三品至一品不過六十頃其制前所買無論自頒制之後有不遵禁令踰制者罪之富民佔田旣少則餘地多餘地多則貧民易取以爲業於以均貧富杜侵漁除衰世苟且之政復古先聖王之法誠無以易此也臣又稽之於古唐初定天下計口授田謂之世業卽是限田之法最爲善制而



今游民未作甘於惰窳不務農業各直省荒田過半  
若待其自墾則成熟無日宜令各道監司督所在有  
司察所管地方無地之民若干戶口貧而無資者自  
二十畝以至五十畝或百畝富而末作者自五十畝  
以至百畝或二三百畝授之開墾永爲世業不過二  
年天下荒地盡行開墾民富而賦足定滇黔取川蜀  
可鞭撻而服也然後興禮義起教化漸致刑措祈

天永命以追唐虞三代之盛不亦休乎臣聞一代善制定  
于開創之君限田授業所以重農務富元元乃古聖

兼濟堂文集

卷之十

九

治天下相傳之要法致天下之第一事也惟  
皇上明斷於中

勅下諸臣詳議施行卽書之史冊傳之後世知

大聖人之所爲高出於古人萬萬也

臣等竊惟古者聖王之治天下也必先慎乎農  
二十餘畝以至五十畝或百畝富而末作者自五十畝  
以至百畝或二三百畝授之開墾永爲世業不過二  
年天下荒地盡行開墾民富而賦足定滇黔取川蜀  
可鞭撻而服也然後興禮義起教化漸致刑措祈  
天永命以追唐虞三代之盛不亦休乎臣聞一代善制定  
于開創之君限田授業所以重農務富元元乃古聖



修憲綱以明職掌疏

臣以庸菲之材蒙

皇上破格擢用陞都察院左都御史官高祿厚奉

朝廷非常之寵臣之所大榮也棟撓餼覆關

皇上知人之明亦臣之所大懼也臣敢不夙夜圖維竭

犬馬之力以仰副

銳意圖治之意顧今天下係開創之天下

皇上乃開創之第一主必其綱紀法度事事可以爲後

世模範而又本之以仁義忠厚達之以禮樂文章則

兼濟堂文集

卷之十

二十

皇上勲德之隆超軼今古而臣于功名之美彪炳春秋

是在

皇上如天之運於上而諸司各盡職掌如風雲雷雨之

不愆其職始之以勤勵終之以悠久久道化成可計

日而俟也夫天下之事其可言者甚多臣固當從容

講求以入告我

后然而欲盡臣心必先明本衙門之職業職業載在憲

綱所宜遵守

本朝十四年以來雖有明代舊書時移勢變未經損

益則是

功令未明而風憲之臣無所奉以爲程式也伏祈

勅下臣衙門各官督率本衙門理事官與掌道御史

及時修定勒爲成書然後上請

御覽以頒布施行則職掌明而憲綱肅矣

兼濟堂文集

卷之十

十一

備置以備本職并照源學限而盡職盡矣

又部外文據欲與書然於上請

既不司衙門各官督率本衙門理事官與掌道御史

啟令未明而風憲之臣無所奉以爲程式也伏祈

益順具



請實圖修省以弭天變疏

臣聞之天道與人事非有二理也感應之際甚微休咎之徵不爽故天心仁愛人主必屢出災異以警之人主敬謹天戒則亟修仁政以回之惟德格天至誠感神從古然矣茲者自春及夏雨澤未降業軫

宸衷惕慮令羣臣齋心祈禱又閩邨報見陝西巡撫題報異常火災三日之內連焚二堡臣思火災皆係旱徵伏察禮部移文內欽天監具題推算于順治十四年五月初一日癸卯朔日食又于本年五月十四日

兼濟堂文集

卷之十

三

夜十五日丁巳望月食臣備臺端覽之不勝悚懼謹按經傳月食者日光過望遙奪月光是爲陽勝陰也日食者日月同會月掩日精是爲陽不勝陰也今五月朔日食在易卦爲姤陰微而卽抗陽其變非細于五月望後月食爲日月交食况月食至旣亦屬災變此在漢唐宋令主尚能遇災恐懼因變禳救况我

皇上無事無念不敬天勤民尚德緩刑者修省之實可弗講乎昔漢文帝癸亥日食詔舉賢良方正直言極諫之士今



皇上虛懷求言言路未嘗壅閉但累年以來豈無敢言之士緣事降斥沉滯下僚屢逢真難或式乎令果對恩詔未見湔洗所宜

勅下該衙門速爲察奏取自恭惟伏念習曠日矣前睿裁廣闢言路者也昔漢明帝十月日食詔以輕用民力繕修宮宇自戒今之志今言曰貪墨立去不效

皇上創建內殿尊

祖奉先孝思不匱其工難緩至于此外凡係土木之工不

論大小請

兼濟堂文集

卷之十

三

勅諭所司一切報罷于以省財足用留意養兵恤民昔漢光武七年三月晦日食大中大夫鄭興上疏曰國無善政謫見日月要在因人之心擇人處位留思柔克之政垂意洪範之法今官司貪墨立法不赦功令森嚴人知懲懼然自古相傳律有枉法不枉法似宜稍加分別若錢糧考成叅罰太急降調日多循吏不免似宜

勅下吏戶二部採取衆議量從寬減地方守令果係賢能如因錢糧降謫仍聽撫按保留務從民望昔漢



明帝十三年十月日食詔刺史太守詳刑理冤存恤  
孤鰥今恤刑已畢又屢經  
恩赦豈尚有刑之未詳寃之未理所慮有司奉行不  
實蠹役上下其手  
皇華之使逍遙驛路

德意稽遲今宜請  
勅下該部將應

赦事宜馬上飛傳各省直督撫按速爲清理仍將開  
釋寃滯姓名件數覆報部院以憑稽察若夫鰥寡孤

兼濟堂文集

卷之十

三

獨王政所先裁減議及所省甚微五品以下俸祿更  
薄似宜一併照舊支給昔漢章帝永平十一月晦日  
食于是避正殿寢兵詔有司各上封事今連年征戍  
寇盜未靖將欲進取必須足餉然天行亢旱饑饉可  
虞

廟堂勝算宜令南方留意招撫固防險隘旗下戍兵  
減其二三省數千里往來之勞節數百萬供應之費  
待歲稔財豐方可決意大舉以上各款臣不敢爲無  
稽之說考諸往古驗之當今俯竭愚忱仰瀆



睿聽伏奠

皇上深思遠慮救之于未變之前修德慎刑持之于既變之後念海宇之初平則以寬大為務恐驕盈之易至則以節儉為先民力將竭用一緩二撫字宜圖疆場靡寧招攜懷遠文德是尚仍

嚴飭內外大小臣工改過洗心勉盡厥職以國為家視民若子勿徒襲自劾之虛文勿止修救護之故事庶可以轉禍而為福變災而成祥將甘雨遍浹於郊原而三光亦為之改色矣

兼濟堂文集

卷之十

三

皇天以轉禍而為福... 庶民若子... 勿徒襲自劾之虛文... 勿止修救護之故事... 庶可以轉禍而為福... 變災而成祥... 將甘雨遍浹於郊原... 而三光亦為之改色矣

皇天以轉禍而為福... 庶民若子... 勿徒襲自劾之虛文... 勿止修救護之故事... 庶可以轉禍而為福... 變災而成祥... 將甘雨遍浹於郊原... 而三光亦為之改色矣



敬陳軍屯大政疏  
今天下治平之効未奏山陬海隅警報頻聞幸而

天意降康

國家有年兵食之計稍得贍給不致窘迫設使有地方一三千里饑饉之憂不知司國計者何以待之夫搜括裁省之計可暫而不可久也俸祿裁而室人交謫則官困優免裁而廩給缺則士困船隻封而腳價莫償則商困敲朴急而瘡肉俱盡則民困兵戍頻興馬匹衣甲之需日煩霜露寒暑之憂不免則兵亦困

兼濟堂文集

卷之十

三六

是今天下之大患也然官士商民皆困於兵而兵亦未嘗不困則其隱憂將在於國尚可不知所變計乎如欲變計則莫如取古人良法而施之三代兵農合一其後兵民分而兵出死力以衛民民出供給以養兵然民力往往重困是以宇文周行府兵之法而唐與明皆法之以立制當明之初養兵百萬不費一錢則衛所之屯政修也今舊衛所既廢壞難以復用而天下兵餉費至一千餘萬若不議屯田之法數年之後必不可支往歲亦曾議屯政矣而所招者民既謂



之民各有籍貫各有有司管轄何事於屯是以貽譏  
畫餅而且大爲民害今所議者軍屯每兵一千擇堪  
戰者教習訓練外其老弱者每千內揀四五百名以  
爲耕種之兵屯絲屯兵府鎮及扼要關塞地不拘民  
衛查有荒蕪田地不論有主無主及各王府未辦價  
舊地開廢官田俱撥與守兵耕種况山東河南川陝  
湖南等處地曠人稀可耕之田尤多每兵撥給一區  
大約不過二三十畝其牛具種粒官爲給與免其糧  
稅使自食其穀比照各地方民糧銀數算作兵餉仍

令該管將領官盡力督促該鎮道總提轄之歲課子  
粒以爲殿最如此則一歲之中各直省屯兵所在可  
添糧數百萬石可省餉銀數百萬兩然自明季以來  
兵驕將惰以耕耨爲恥坐食耗餉其弊久矣昔郭子  
儀功存唐室封王汾陽躬耕百畝以勵軍士諸葛屯  
於渭濱羊祜屯於襄陽古之經濟名臣未有不留心  
於此者是在督撫鎮以身倡率斯法制可行然屯政  
所費貲本必先得數十萬金議者或難設處臣以爲  
此乃當今天下第一大務此政不行財用終無足法



或將鹽課撥給或將正項借用贖錢贖穀操賞等項  
俱可措支至於所在富民願納監者憚於道路跋涉  
未能至於京師聽其各於各布政司及各督撫道府  
處上納銀穀轉文京師卽准入監則援納者必多而  
可藉以集事總之

朝廷先費數十萬金錢亦當捐帑爲之况所費費本  
可作正項抵筭而獲利無窮實爲兵食久遠之計未  
有可行於古而不可行於今者伏祈

皇上考之舊典詢之衆論

兼濟堂文集

卷之十

三六

勅下該部速行打算詳議妥確務於來春肇舉其事  
天下且拭目以觀善政兵之困蘇則官士商民積困  
俱蘇一代久安長治之業必權輿於是矣



備陳進取應行事宜疏  
臣竊觀近日時事黔中慕義來歸粵西勢已窮蹙奉  
天命以行天討大張撻伐誠不容再爲遲延養寇遺患  
今八旗糾桓義旅已啟行在道矣臣以書生不獲執  
戈前驅顧可不竭芻蕘之愚以佐勦撫之謀於萬一  
乎謹陳五事於左惟

皇上採擇焉

一饋餉之官宜設也師行糧食第一大務稍有遲滯  
則軍機違誤今川湖兩粵雖有布政司糧道祇可備  
兼濟堂文集  
卷之十  
二九  
催僨之事至於押解隨營必得文官隨武臣支應似  
宜三路各添餉司戶部主事一員擇其敏練有才者  
爲之一切糧餉或係民運或係兵運皆須恤其困苦  
相其緩急應奏

聞者與督撫商酌不時奏

聞庶於軍機無誤

一方面之官宜備也

朝廷平定地方大兵之事而安輯勞來則督撫之事  
督撫所倚爲手足者藩臬司道也地方收服非得司



道之賢者以撫之釁亂易生往歲事例多有用劄委者殆非慎重名器之意似宜預選內外諸臣破格陞用爲司道及知府等官駐節川湖境上俟地方一開卽杖策前進加意撫恤其陞轉仍照邊俸另算庶足鼓舞人心

一州縣之官宜慎也州縣爲親民之吏得人則惠民甚易不得其人則殃民亦易况新收之地瘡痍必多休息更切往歲每用無藉之人惟知浚剝遺民何望臣以爲川陝楚粵多有孝廉明經願出仕者第以長

兼濟堂文集

卷之十

三

安遠遠窘於資斧而止今若令川陝楚粵舉貢有願出仕者該藩司察係無過申送軍前聽領兵王及大將軍委用則州縣官皆得人若無藉之人一槩似不宜用一捐助之賞宜懸也昔漢武帝有事邊功卜式輸助最多特加優用今皇  
皇上赫然征討爲萬民除害需糧旣多恐民力難支楚粵川陝果有富民輸糧千石或二千石至軍前者宜優異其格以勸衆人



一新定之民宜恤也西南蹂躪二十年湯火之餘  
王師所到簞食壺漿角崩稽首自可預料但服民之  
道宜服其心臣以爲除抗順不服者宜誅外但圍城  
而後降者亦宜聽其自新不事殺戮倉庫錢糧一毫  
一粒封籍以資大軍之用臣料爲民父母將何如其  
皇上仁德如天諸將辭

朝之日必已

諭誠再三更祈

勅下經略督撫傳檄曉諭則

兼濟堂文集

卷之十

三

仁聲遠播歸順恐後兵不血刃而南服永定矣

一 謀惟謙以資大軍之用臥惟有事邊功卜式輸助  
而益料皆亦宜羅其自謙不事遂遷會輒趨對一亭  
登宜罪其心臣以爲糾紛則不罪皆宜精快臣圍城  
王師所到簞食壺漿角崩稽首自可預料但服民之  
道宜服其心臣以爲除抗順不服者宜誅外但圍城  
而後降者亦宜聽其自新不事殺戮倉庫錢糧一毫  
一粒封籍以資大軍之用臣料爲民父母將何如其  
皇上仁德如天諸將辭



請法 天以行仁政疏

臣昨於二月二十八日隨侍

經筵得聞講官講漢文帝春和之詔曰方春和時草木羣生之物皆有以自樂而吾百姓鰥寡孤獨困窮之人或阡於危亡而莫之省憂爲民父母將何如其議所以賑貸之臣竊思春日雍熙正行慶施惠之時因事推廣敢不舉仁政之所宜先者爲

皇上陳之

一曰恤災獨鰥寡孤獨王政之所先也故文王懷保

兼濟堂文集

卷之十

三

惠鮮必先乎此誠以此四民者俯仰無資衣食不給對淒風而號冷望皓月以啼饑譬如失乳之子待哺更切非

大君德澤何以起捐瘠而生之昨因兵餉匱缺槩行裁減臣以爲所省無幾而於政體損傷甚大况

皇上視民如傷方且

大發內帑以賑無告此項豈可裁減近巡方御史屢以此事入

告臣請



勅下戶部一槩照舊勿得裁減其足財大政另宜講求良法

一曰掩骼啣掩骼之文載在禮記月令而後代鮮能行之昔文王恩及枯骨諸侯歸心唐太宗貞觀二年四月詔收瘞隋季暴骸史臣嘆美之曰太宗之恩及於天下仁矣哉今天下經大亂初定之後凡古戰場所在多有無主遺骸拋棄原野卽府州縣衛地方亦有荒歲餓殍無人收掩青燐鬼火皆足爲水旱之厲

皇上仁如天地請

兼濟堂文集

卷之十

三三

勅下各直省所在有司設法收瘞不至暴露事完之日仍具實申報勿得視爲文具

一曰課農桑農桑衣食之本也一夫不耕或受之饑一女不織或受之寒生之者寡而用之無度則物力必詘今天下租稅百貨無不取給於農農工艱難得不償費巧僞之民棄本逐末有司又不加勸

國家根本何賴昔明祖初政凡有司考滿至京者皆令書其種過桑株數目違者降罰今宜仿其舊制每年春月令有司督率百姓及時興作勿奪其時桑株



榆柳宜種植者隨土地所宜督率種植務要將種過數目申報撫按仍彙報部院以憑稽察至於水利爲農田急務不特江浙爲宜凡山陝直隸山東河南等處俱可舉行袁黃常令寶坻行之有効今宜大興水利凡溝渠隄壩應蓄者蓄應疏者疏總以便民爲主烏鹵之地可變爲膏腴之區矣

一曰舉孝行百行莫先於孝孝子能愛其身能不辱親可爲廉吏故古語有云求忠臣於孝子之門漢法興廉舉孝禮讓成風武帝之詔有曰有司奏不舉孝兼濟堂文集

卷之十

三十四

不奉詔當以不敬論可見當時最重孝行也  
皇上重刻孝經又令羣臣修孝經衍義所以敦重天倫甚厚但不樹之風聲凡民未知所勸臣以爲請畧仿漢制凡地方果有真正孝子至性絕人者里老鄉約人等開列事實呈報有司撫按體勘得實奏舉以聞禮部覆核量用縣正佐貳等官以敦風化果有政績著聞與科目一體陞遷似宜遠法兩漢以爲本朝盛典不可以明季舊無此例而不舉行庶於皇上敦崇孝德之意有合而廣錫類之仁於不匱矣



潘臬之職掌宜明疏  
臣前疏言舉核之綱領既已責成撫按以旌善黜惡之實政矣然而潘臬之職掌未明則因循度日諸事叢脞將是非多垂賢否以溷故必正潘臬之職掌然後撫按之耳目靈通手足振舉實政得以修立也臣查舊典布政司職在保釐爲諸司領袖凡一省官吏臧否軍民利病政治得失風教盛衰無不由之其各項錢糧自會計徵收支解靡不督覈周詳此外如課農桑均戶口清冗濫禁奢靡簡獄訟恤孤窮正士風

兼濟堂文集

卷之十

三

通商販品評僚屬釐剔蠹弊宣達德意稽察冊籍或徑自施行或呈詳撫按期於事事合宜庶不負承宣之職乃臣觀近日藩司自催辦錢糧開報賢否而外其餘職掌所載多不修舉尤可異者官分左右職掌則一不知起自何時左布政使登堂獨坐右布政使退避私寓竟爲曠閒無事之人設官初意豈是如此夫一人之心思何如二人之心思更爲詳密一人之精力何如二人之精力更爲周到臣以爲掌印自當歸左布政使而一切料理事務必二人同之自今以



後如左布政攬權自便俾右布政不得登堂理事者  
題叅重治其餘農桑戶口等事逐件從實舉行登報  
撫按臣所謂藩司之職掌宜明者此也又察得舊典  
臬司職司風紀肅清庶務故死刑皆由按察司轉京  
詳者蓋必該司以爲可殺而後以聞誠重之也若可  
矜可疑及軍徒杖笞情可原宥者該司皆得批駁覆  
覈呈詳撫按會疏題

請至於郡縣官邪吏蠹土豪勢惡邪教一切不公不  
法事情俱得叅呈拿寃臣觀近日臬司數月卽陞藩

司故以官爲傳舍而盡心者少卽如臣忝厠憲院以  
來會同刑部審理恤刑京詳等事不下數千餘件其  
中多有自元年以來陳積舊案則知從前臬司全未  
料理况各道兵備皆係按察分司若不立法稽察何  
由申寃理滯俾政簡刑清臣以爲各府州縣獄中罪  
人因何事故自何年緣事何官審理因何未結各府  
州縣每季俱要造冊一本申報本道本道呈送按察  
總司總司呈報撫按若有無故繫獄及淹滯困斃者  
將府州縣職官察叅從重治罪其按察司旣將每歲



府州縣獄犯呈報撫按撫按仍歲報刑部及臣衙門以憑考察如此則刑獄得清不致淹滯以傷

天地之和其餘官邪吏蠹等事逐件從實舉行登報撫按臣所謂臬司之職掌宜明者此也藩臬之職掌明撫按之考察藩臬也惟視其職掌之修廢以爲舉劾則其餘道府州縣誰不各盡其職掌者所謂貞度肅憲激濁揚清之規矩準繩也自明季以來憤憤已久當

今

皇上求治若渴責成撫按以澄清吏治必先自澄清藩

兼濟堂文集

卷之十

三七

臬始臣謹臚列其職掌之所宜明爲撫按澄清大吏之法以革積習相沿之弊如果臣言不謬伏冀

睿鑒施行



文清兵部吏胥之弊以郵驛遞疏  
臣前跪讀

上傳諭吏部等衙門胥役作奸犯科實繁有徒朕已屢見爾等尚有不明言臣恭繹

明綸知

皇上洞照如神無微不至也夫胥役作奸近例處治甚嚴重則斬絞輕則流徒按臣成招彙報臣等法司核議無虛日法嚴如此而不知懼固自投死地矣惟是在京衙門胥役之作奸者莫如兵部差官此輩狐假

兼濟堂文集

卷之十

三

虎威多方逼勒州縣飲恨吞聲莫敢誰何如慶都知縣被差官王毓恕率領小九子等跳牆凌辱以致縣官投井身死大駭聽聞自應嚴正典刑以慰冤魂但其克橫之勢至於如此則其餘之未發覺者不知幾何

朝廷堂堂縣令竟辱於僕役而死豈不痛哉臣竊謂普天率土仰奉

朝命如天威在上大路傳遞公文有急遞舖緊急公文有督撫塘馬馬上飛遞奉差之官皆有夫馬勘合



官大者有兵快護送小者亦有背包軍引路何用此輩前驅需索嚇詐使天下仕進之士視有司爲畏途以衝途爲苦海乎所宜盡行裁革永不准用以肅皇華之途者也然臣更有請焉文官九品而止武官八品而止六品七品八品俱校尉五品以上俱將軍今自明季相沿以來凡差官及部科書吏俱考授守備守備乃四品將軍也非有科目戰功如何躡授至此奔走刀筆不過三四年膺專城之寄任禦侮之權假若盜賊生發之地果能衝鋒破敵立功報國乎請祈兼濟堂文集

卷之十

三九

睿鑒施行

臣聞季世所以來其差官吏濫待書吏財帛對平滿而五六品小品八品則對標豆品以上則滿軍令華之益善也然田更昏庸文官武品滿五光言天以檢金銀皆或平視立盡行裁革永不許用以肅皇華之途者也然臣更有請焉文官九品而止武官八品而止六品七品八品俱校尉五品以上俱將軍今自明季相沿以來凡差官及部科書吏俱考授守備守備乃四品將軍也非有科目戰功如何躡授至此奔走刀筆不過三四年膺專城之寄任禦侮之權假若盜賊生發之地果能衝鋒破敵立功報國乎請祈兼濟堂文集



酌裁衛所丁田以歸州縣疏  
臣察得明朝初設衛所有事則戰無事則耕故養兵百萬不廢民間一錢其後法廢而兵政亂盡用招募之兵是衛所之軍在明正統後已無用矣其相因不變者蓋以設立衛所是其祖制而指揮千百戶管軍之官又皆開國從征有功者子孫世襲難以革除故因衛所而屯田其實屯田亦係紙上空言蓋衛所田地自明正統以後大半賣與豪強有力之家不過量收籽粒而已然明制以衛軍不可戰守江南諸省有兼濟堂文集  
卷之十  
罕  
漕運之役直隸河南諸省有修邊之役雖役輕於民尚有用其力之處也今江南諸省固有運糧之役而大江以北各省直軍丁既不漕運又不修邊不知所司何事乃舊日千百戶等官猶假借名色濫免差徭軍丁除正賦外其餘一無所事賦又輕於民間民間供應兵馬徵糧運草驛遞夫馬城池道路僉解物料馬價錢糧里甲現役一切雜泛差徭繁難百倍於軍軍皆不與臣生長真定亦係有衛所地方如唐山千言等屯相去真定一百里其衛所掌印官未嘗身



歷屯地不過委官徵收籽粒備文報數而已而近屯居民無不被弁軍魚肉以軍富而民貧以軍刁而民懦積習既久莫敢與抗也又如雞澤縣軍民地各居其半其賦役亦大相懸絕推此而言天下可知竊以爲民困未蘇古今偏枯不平之事未有大於此者議者皆知衛所可裁但以漕運之故以爲或累於民臣竊思漕運衛所有限其非漕運衛所者甚多若將不運糧衛所歸併附近州縣管理則有四大利省官吏衙役俸薪一也均民間差徭除三百年風弊二也有

司督率權勝武弁荒蕪可墾戶口可添三也銷明季世襲不肖之心四也若因循不變則有四大害都司守備經歷等官俸薪所費不貲一也軍樂民苦徭役不得均平三百年之風弊不除二也地方曠遠官法不及隱藏熟地脫漏丁銀三也世襲豪霸雄長其地侵漁孤弱四也故臣以爲除運糧衛所及邊方衛所不裁外其餘盡行歸併相隣州縣有司官管理仰祈勅該部詳察明朝一代衛所興廢始末及軍民兩便本朝時勢不同之故詳議以



聞此興利除弊之大故而亦富國安民之第一著也

兼濟堂文集

卷之十

四三

聞此興利除弊之大故而亦富國安民之第一著也



人情遵異朕中... 諭敬陳條議疏... 伏見我...

皇上屢頒... 勅旨令羣臣各陳典利除弊事宜... 嘉猷仰佐...

睿慮然芻蕘之愚稍有所見可助... 國計民生於萬一者敢不為...

皇上陳之謹合詞開列... 兼濟堂文集... 卷之十... 三

一吏治清廉為重近見薦舉雖多而開列清操事跡者少今歲朝... 覲之年黜陟所關尤為重大臣等以為宜令撫按細心遴訪有司中清操絕俗者拔置卓異之首以備朝廷擢用則清官愈知所勸而不肖者亦知所改至於司道推知卓異者皆有內陞之例知府係守土之官臨民最切從來未有內陞臣等以為各省大計卓異知府中似宜特拔一二人擬內陞以示鼓

上請... 嘉猷仰佐... 國計民生於萬一者敢不為...

一吏治清廉為重近見薦舉雖多而開列清操事跡者少今歲朝... 覲之年黜陟所關尤為重大臣等以為宜令撫按細心遴訪有司中清操絕俗者拔置卓異之首以備朝廷擢用則清官愈知所勸而不肖者亦知所改至於司道推知卓異者皆有內陞之例知府係守土之官臨民最切從來未有內陞臣等以為各省大計卓異知府中似宜特拔一二人擬內陞以示鼓

上請... 嘉猷仰佐... 國計民生於萬一者敢不為...

一吏治清廉為重近見薦舉雖多而開列清操事跡者少今歲朝... 覲之年黜陟所關尤為重大臣等以為宜令撫按細心遴訪有司中清操絕俗者拔置卓異之首以備朝廷擢用則清官愈知所勸而不肖者亦知所改至於司道推知卓異者皆有內陞之例知府係守土之官臨民最切從來未有內陞臣等以為各省大計卓異知府中似宜特拔一二人擬內陞以示鼓

上請... 嘉猷仰佐... 國計民生於萬一者敢不為...



勸止休養察以肅吏治

再如北未入流就入流今各官既與獎廉以令社

朝廷所重在戶口地畝每遇朝

覲之年自當詳造清冊送部院察核而從前疆宇初

定朝

覲未有清冊今仍不造冊送核於朝

覲之義謂何請

勅下各直省今歲朝

覲務造地丁簡明文冊有無開墾生聚以憑部院察

兼濟堂文集

卷之十

四

核與官評互相考校如有地畝全無開墾戶口全無

生聚而冒開循卓者察出糾叅

一朝

覲及巡方糾劾不肖官員原以懲汰不肖期於大法

小廉撫安百姓也臣等聞明末官評風弊撫按及布

按兩司入

覲每於賢否冊揭造定或受囑託或受打點抽換冊

揭或先未入薦旋復入薦今若有前項弊病宜令撫

按互相覺察以肅吏治



一有丁供差有地納糧今天下僧道旣已出家遊食  
躲避差徭乃寺觀中多有累年官民人等施捨田地  
或係僧尼道士用錢置買雖亦有納糧者其中將糧  
額勾除不行上納甚多以致民間錢糧上納甚重大  
非法紀合請

勅下該部通察天下凡係寺院菴觀耕種熟地有徵  
糧者准其照舊耕種無徵糧者盡照民地徵糧不許  
隱佔冒免勾除若有抗阻不納錢糧者依律嚴治勒  
令還俗

兼濟堂文集

卷之十

四

一今驛遞煩苦馬倒夫逃有司料理不前每至自盡  
情實可傷然驛遞倒塌雖差使煩難亦因協濟錢糧  
不前協濟錢糧州縣不肯按時交納又加有司拖欠  
扣尅驛遞焉得不困况解部錢糧降罰甚嚴尚且拖  
欠何况驛遞外用錢糧雖云拖欠者令撫按糾叅然  
糾叅者少臣等竊思驛遞州縣亦有錢糧今乃將本  
縣地畝錢糧解部却撥傍縣錢糧協濟實爲煩擾難  
濟其急莫如令有驛遞州縣即將本地錢糧支用餘  
剩者解部不足者撥補其傍縣協濟銀兩改充解部



如此而驛遞錢糧省催討之煩清扣剋之弊得以實  
在支用不致馬倒夫迎有司困弊矣聞山西省已有  
此例官民稱便似宜通行天下以蘇驛遞積困者也  
以上各款如有可採伏冀

睿鑒施行

兼濟堂文集

卷之十

哭

有憂誠行

思主各處取存世宗皇帝

此傳書凡諱重如空取言天下以繼繼誠意困苦也  
道矣然不疑無悔夫取存世宗皇帝突關山西省曰言  
取典而繼繼誠意困苦也取言世宗皇帝突關山西省



條議朝覲考察之例疏

竊惟三年大計所以進賢退不肖又安天下之要典  
節年舉行雖有成案諸臣條議亦經議覆然事理尚  
有未詳規則尚有未備則無以清風弊而示官守臣  
駑駘下乘本不堪供驅策荷蒙

皇上任使敢不熟思審處以求有助治安之化謹具條  
議於左

一舊制天下府縣官吏無不來朝我

朝因天下初定只令藩臬道廳等官來朝所以省煩

兼濟堂文集

卷之十

四七

擾恤民力也但今江南財賦不清責在藩司若來朝  
則道途往返半年錢糧朦朧益甚除各省藩臬朝  
覲自有例外臣以江南藩司應免其朝

覲務將前項未清勒限察結如不能清理者卽治以  
應得之罪其各府推官事關刑名若令之朝

覲則問刑必委他官而人命強盜一切重情以代庖  
而苟且塞責者多矣亦宜免其朝

覲令同知通判等官來朝可也至於典史么麼小吏  
臣於十三年春會同部院諸臣管理大計見浙江一



省典史來者甚多而餘省無一至者大非畫一之例  
相應一槩免其入人必無由奮揚其志天下  
覲以省往來奔走無益之費內則省本官休習以  
一舊例次年朝員日盛賦即盡奪之覲期皆歸  
覲俱限年前十二月二十五日到京今此限期業經  
舉行惟是封門閱冊未有定規引見回任俱無定日  
以致久住長安有狐裘蒙茸之嘆且任內公事稽悞  
必多臣以爲各官限十二月二十五日到齊如有後  
期者鴻臚寺卽行察叅其封門日期考功司郎中吏  
兼濟堂文集

卷之十

哭

科都給事中河南道掌道御史定於開邸之次日約  
同封門詳閱閱完之日吏部都察院堂上官再加察  
看具疏奏具吏官外奏且將內公率其  
聞其引見日期似亦不得過二月初旬旣見之後卽  
給水程星夜就道如回任違限官員仍聽撫查叅  
一大計貪酷官員已經題明露章之後卽行羈候但  
卓異官員從前陞轉不同有內陞者亦有外陞者以  
故賢良未見超拔人心無由奮激臣以爲天下朝  
覲官其卓異第一二員卽應留註內陞其餘應內陞



者內陞應外陞者亦必超陞一級或照會典俱給誥  
勅庶內外均平不致大相懸絕其知府內陞品級考  
開載甚明應否再行詳察

一來朝官員衣服俱照品級花樣務要新鮮潔淨俱  
各自備脚力不許馳驛及指此爲由科擾於民此會  
典舊例也應照舊申飭但各官數千里跋涉資斧何  
出宜令撫按酌量道里遠近官職大小於缺官缺役  
俸糧內支給仍報部查銷不許多支

一來朝官員各陳地方民情利弊因革事宜開送二  
秉濟堂文集

卷之十

四九

司官二司官取其可用者類送吏部都察院看議奏  
請此會典舊例也今宜令有司開送二司取其可用  
者疏

聞下各該衙門看議奏請

一來朝官員俱在城外宿歇不許進城拜見各衙門  
鑽營打點如有鑽營打點及徇私受賄之徒五城嚴  
行叅究若大猾奸棍結黨成羣弊空謂其少債或詐  
稱代爲交結如往歲光棍打詐江西藩司范登仕者  
實繁有徒宜







請發賑以救楚災疏

臣前閱邸報見湖廣總督李廕祖題爲災出異常之變一疏內稱漢陽漢川景陵潛江以及沔監江陵等處水天一色川原莫辨百姓採取芟粃鳩形鵠面固已繪鄭俠之圖而洒賈生之泪然臣竊以爲稼穡漂沒或留其殘喘以待有司設方救濟則人事之補益猶可救天災於萬一也續閱督臣題報災傷漂流人戶卽江陵一邑查有地址名姓者共三千八百三十五名口其不知下落并行查未確者共計萬有餘戶兼濟堂文集

卷之十

五

爲從來未有之奇慘嗟乎楚民何困厄一至此耶臣聞古人有言軍旅之後必有凶年言民以其愁苦之氣傷陰陽之和也今茲楚民之災得非愁苦之極化爲災沴乎業奉

睿旨着該督撫按同各地方官速圖多方拯恤務令得所然旣漂沒者固已隨波流而莖於江魚之腹惟是淹沒遺黎若循尋常格套待查明分數方議賑賑糶災無告幾何不盡化爲白骨耶方今救之之方固不可一刻緩矣臣以爲蠲免租稅設法勸助固不待言



而目前急務則惟楚省贖穀贖餒盡發以給被災之  
民庶可起溝中之瘠而續將絕之命我米穀會  
皇上愛民若子久已上格  
天心諒不以楚民遠在江漢而稍屯其  
恩膏也然臣更有請焉常平倉之設原爲預備災荒  
春夏糶以濟農秋冬糶以還官生息愈多儲米愈廣  
昔宋淳熙年間曾下朱子社倉法於諸路而

本朝十二年正月

皇帝勅諭一款云常平倉之法米賤則增價以糶米貴

兼濟堂文集

卷之十

五十一

則減價以糶明宣德年間巡撫周忱以蘇州知府况  
鍾多方儲積蘇州一府至六十餘萬民至今稱之煌  
煌

上諭言猶在耳近來僅成故事雖報贖穀之冊而春糶  
秋糶之法槩未舉行是有司職業不修而以  
朝廷仁民之大政視爲不急之緩圖也請

勅各直省撫按凡州縣存倉常平米每春夏米貴出  
糶秋冬米賤糶還其所生之息仍盡糶米貯倉每年  
終奏報生息數目其奉行有效者卽列舉薦怠廢不



修者嚴加叅劾若遇水旱卽以此賑濟如是而歛散  
有法凶荒有備可爲久遠之法本固邦寧庶不至遇  
災罪歲空貽仰屋之憂也臣敢因楚災而並及之

兼濟堂文集

卷之十

五三

災異蓋空假附星之憂並引原國災而並及之  
言去凶兼濟備百餘人憂之甚本固邦寧庶不至遇  
災若飄然來感春救水旱則以災趨禍散甚而地計



